



ՀԱՆԴԻՊՈՒՄՆԵՐ ԾՎԵՅՑԱՐԻԱՅՈՒՄ

1989 թ. օգոստոսի 20—25 օրերին Ժնևի մերձակայքում գտնվող Սելինի գյուղի Էկումենիկ ինստիտուտում տեղի ունեցավ Եկեղեցիների Համաշխարհային Խորհրդի 7-րդ համագումարը կազմակերպող հանձնաժողովի հավաքը, որին Հայ Եկեղեցու կողմից մասնակցում էր ԵՀԽ-ի Կենտրոնական Կոմիտեի անդամ, Մայր Աթոռի դիվանապետ Տ. Ներսես արքեպիսկոպոս Պողոսյանը: Ժողովի օրակարգում դրված գլխավոր հարցը ԵՀԽ-ի առաջիկա 7-րդ համագումարի ծիսական բաժնի հոգևոր երգերի ցանկի կազմությունն էր: Հանձնաժողովին ներկայացված ավելի քան 350 հոգևոր երգերից ընտրվեցին 84-ը, որոնց մաս կազմեցին, առաջին անգամ լինելով, Հայց. Եկեղեցու կողմից առաջադրված երեք հոգևոր երգեր: Դրանցից առաջինը հայրենի երգահան Տիգրան Մանսուրյանի նոր հորինած մեկ գործն է: Այն գրված է համագումարի թեմայի բառերի վրա, նվիրված Սուրբ Հոգուն, և կատարվելու է որպես համագումարի հիմնը: Մյուս երկուսը հայոց պատարագից են՝ Եկմայան պատարագից «Հայր մեր»-ը և Կոմիտասյան պատարագից՝ «Տեր, ողորմեա»-ն:

Այնուհետև Տ. Ներսես արքեպիսկոպոսը Ցյուրիխի շրջանում հանդիպումներ ունեցավ վերակազմյալ բողոքական Եկեղեցիների «Հեքս» բարեսիրական ընկերության ներկայացուցիչների հետ: Հիշյալ կազմակերպությունը, ըստ նախօրոք կազմված ծրագրի, առանձին հանդիպումներ էր կազմակերպել շրջանի եկեղեցական տարբեր ծուխերի հետ: Առաջին հանդիպումը տեղի ունեցավ սեպտեմբերի 4-ին Լենդբլորբ գյուղի ծխական եկեղեցու ներկայացուցիչների հետ, որոնք, տեղի համայնքի անունից, բարի գալուստ մաղթեցին սրբա-

զան հորը և նրան ուղեկցող «Հեքս»-ի ներկայացուցիչ Ինգե Ծաղկերին: Եկեղեցում տեղի ունեցած երեկոյան հոգևոր պաշտամունքից հետո Տիկին Ծաղկերը, որը երկու անգամ եղել էր Հայաստանում տարերային աղետի կապակցությամբ, ներկայացրեց սրբազան հորը եկեղեցում հավաքված ժողովրդին, ապա, որպես ակամատես, մանրամասն տեղեկություններ տվեց այն վիճակի մասին, որ ներկայումս տիրում է երկրաշարժից աղետյալ շրջաններում: Այս առթիվ ցուցադրվեցին սահիկներ երկրաշարժի պատճառած ավերումները պատկերող: Այնուհետև Ներսես արքեպիսկոպոսը խոսեց հայ ժողովրդին պատուհասած աղետի և ավերված քաղաքների ու գյուղերի վերականգնման ուղղությամբ ներկայումս կատարվող աշխատանքների ընթացքի մասին՝ Հայ Եկեղեցու անունից շնորհակալություն հայտնելով շվեյցարացի ազնիվ ժողովրդին նրա ցուցաբերած անշահախնդիր օգնության համար:

Հետևյալ օրը, առավոտյան ժամը 11-ին, սրբազան հայրը Տիկին Ծաղկերի հետ մեկնեց Քուր քաղաք, ուր պաշտոնական հանդիպում ունեցավ քաղաքագլուխ դոկտ. Ռոլֆ Ստիֆլերի և տեղի եկեղեցական, քաղաքային իշխանությունների, ինչպես նաև մամուլի և ոստիոյի աշխատողների հետ: Հանդիպման սկզբին ողջույնի և բարիգալստյան խոսքերից հետո քաղաքագլուխ դոկտ. Ստիֆլերը, անդրադառնալով Հայաստանի աղետին, թարգմանը հանդիսացավ ծանր փորձության ենթարկված հայ ժողովրդի նկատմամբ ողջ շվեյցարացի ժողովրդի սրտակցության՝ նշելով, որ դրավառ ապացույցներից մեկն էր այն, որ տարերային աղետից անմիջապես հետո Քուր

քաղաքից շվեյցարացի ժողովրդի դուստր Լորի Բեթինան օգնության էր փութացել՝ փլատակների տակից վիրավոր իր հայ եղբայրներին ազատելու համար։ Իր խոսքի վերջում քաղաքագլուխն արտահայտվեց շվեյցարացի և հայ ժողովուրդների համերաշխության և բարեկամական կապերի հետագա ամրապնդման անհրաժեշտության մասին։

Այնուհետև հանդես գալով պատասխան խոսքով՝ Տ. Ներսես արքեպիսկոպոսը նախ ներկաներին տեղեկություններ հաղորդեց ահավոր երկրաշարժի պատճառած վնասների մասին, ապա ամփոփ գծերի մեջ ներկայացրեց պատկերն այն վերաշինական աշխատանքների, որոնք ներկայումս կատարվում են աղետի գոտում օտար կրոնական և բարեսիրական կազմակերպությունների օժանդակությամբ։ Վերջում սրբազանը ընդհակադրություն հայտնեց շվեյցարացի ժողովրդին՝ նշելով, որ երախտագետ հայ ժողովուրդը երբեք չի մոռանա նրա նվիրյալ զավակների մարդասիրական օգնությունն ու անձնվեր ծառայությունը իր ազգի տարբեր դժբախտ բեկորներին՝ սկսած առաջին համաշխարհային պատերազմի ծանր տարիներից։

Հավարտ հանդիպման սեղմ շրջանակում տրվեց ճաշկերույթ քաղաքագլխի կողմից։

Նույն օրը Տ. Ներսես արքեպիսկոպոսը Տիկին Ծաղիկի ուղեկցությամբ գնացքով մեկնեց դեպի Ռեբշտեյն գյուղ, որտեղ նրան դիմավորեց և բարի գալուստ մաղթեց տեղի բողոքական եկեղեցու հովիվ Պոլ Զոլերը։ Երեկոյան ժամը 20-ին եկեղեցու սրահում տեղի ունեցավ հանդիպում տեղի համայնքի հավատացյալների հետ։ Այստեղ ևս հոգևոր հովիվի ողջույնի և բարիգալատյան խոսքերից հետո Տիկին Ծաղիկը հավատացյալներին ներկայացրեց սրբազան հորը՝ նշելով նրա, որպես Մայր Աթոռի ներկայացուցչի, գործակցությունը «Հեքս» կազմակերպության հետ Հայաստանի աղետյալների օգնության գործում։ Այնուհետև ցուցադրվեցին Հայ եկեղեցու պատմաճարտարապետական հայտնի կոթողները, ինչպես նաև աղետյալ շրջանների վիճակը պատկերող սահիկներ՝ համապատասխան բացատրություններով։

Այնուհետև ելույթ ունեցավ Տ. Ներսես արքեպիսկոպոսը՝ համառոտակի խոսելով հայ ժողովրդի քրիստոնեության դարձի, հանուն իր ազատության և քրիստոնեական հավատի պահպանման նրա կրած բազում փորձությունների, 1915 թվականի հայկական ցեղասպանության, ինչպես նաև դեկտեմբերի 7-ի երկրաշարժի պատճա-

ռած ավերածությունների և այդ կապակցությամբ շվեյցարական կրոնական և բարեգործական կազմակերպությունների ցուցաբերած օգնության մասին։ Սույն հավաքության ներկա էին նաև Իրանից և Թուրքիայից գաղթած մի խումբ հայեր։ Հանդիպման ավարտին սրբազան հայրը պատասխանեց իրեն ուղղված մի շարք հարցերի և աղոթքով փակեց հավաքությունը։ Նույն օրը, երեկոյան ժամը 22-ին, Տ. Ներսես արքեպիսկոպոսը Ռեբշտեյնից վերադարձավ Ցյուրիխ։

Սեպտեմբերի 5-ին, առավոտյան, Մայր Աթոռի դիվանապետը այցելեց Ցյուրիխի տեսարժան վայրերը «Հեքս» կազմակերպության ներկայացուցիչ, հոգևոր հովիվ Ֆրանց Ծյուլեի հետ։ Ժամը 12.30-ին տեղի ունեցավ խորհրդակցական հանդիպում Ցյուրիխի բողոքական եկեղեցու խորհրդի նախագահի և անդամների հետ Հայաստանի աղետյալ շրջաններում վերաշինական աշխատանքների գծով նախատեսվող օգնության ծրագրի կազմության վերաբերյալ։

Հետ միջօրեին սրբազանը Ֆրանց Ծյուլեի ուղեկցությամբ մեկնեց Արգո նահանգի Լենցբուրգ քաղաք՝ մասնակցելու շրջանի սինոդի ժողովին, որին մասնակցում էին նահանգի ողջ ծովափն երկայացնող շուրջ 120 հոգևորական և աշխարհական անդամներ։ Հոգևոր հովիվ Ֆրանց Ծյուլեն ներկաներին ներկայացրեց Սուրբ Էջմիածնից ժամանած բարձրաստիճան հյուրին, ապա խոսք տվեց նրան։ Այստեղ ևս Տ. Ներսես արքեպիսկոպոսը իր ելույթի մեջ անդրադարձավ հայ ժողովրդի և Հայ եկեղեցու պատմությանը՝ նշելով, որ հայ ժողովուրդը առաջինն էր, որ 301 թվականին ընդունեց քրիստոնեությունը որպես պետական կրոն, այնուհետև խոսեց հանուն Քրիստոսի եկեղեցու հայ ազգի մղած անհաշիվ պայքարների ու նրա կրած ծանր փորձությունների մասին՝ իր խոսքի վեճում հատկապես կենտրոնացնելով 1988 թ. դեկտեմբերի 7-ի ահավոր երկրաշարժի ողբերգական հետևանքների վրա։

Ժողովի ավարտին աստեղ նույնպես ցուցադրվեցին Հայաստանի աղետին վերաբերող սահիկներ։

Սեպտեմբերի 7-ին, հինգշաբթի օրը, առավոտյան ժամը 10.30-ին, «Կրոն» հյուրանոցի սրահներից մեկում «Հեքս»-ի ներկայացուցիչներ Ինգե Ծաղիկը և Թիդի Հանկատը կազմակերպել էին հարցազրույց Մայր Աթոռի ներկայացուցչի հետ։ Հարցազրույցին մասնակցում էին Ցյուրիխ քաղաքի և շրջակայքի կարևոր թերթերի թղ-

թակիցներ, ինչպես՝ «Նոյն», «Զյուրիխեր Ցայտունգ», «Վեստեր», «Ստադտ Կանտոն Զյուրիխ» և այլն, ինչպես նաև տեղական ուղիղի աշխատակիցներ: Հարցազրույցի ընթացքում Տ. Ներսես արքեպիսկոպոսը հիմնականում անդրադարձավ տարերային աղետի ծանր հետևանքների, շվեյցարական և այլ եկեղեցական, բարեսիրական կազմակերպություններից ստացված գործնական օգնության և ներկայումս ամբողջ հայ ժողովրդին հուզող Ղարաբաղյան հարցին: Ապա պատասխանեց իրեն ուղղված մի շարք լրացուցիչ հարցերի:

Նույն օրը, հետ միջօրեին, սրբազանը, ընկերակցությամբ «Հեքս»-ի ներկայացուցիչ Ինգե Շադերի, մեկնեց Շվեյցարիայի մայրաքաղաք Բեռն, որտեղ նախ այցելեց Մայր տաճար, ապա հանդիպում ունեցավ Շվեյցարիայի բողոքական եկեղեցիների ֆեդերացիայի նախագահ պատրոշ Հենրիխ Ռուստեր Հոլցի և նրա գործակիցների հետ: Զերմ ու սիրալիր մթնոլորտում տեղի ունեցավ զրույց, որի ընթացքում Տ. Ներսես արքեպիսկոպոսը խոսեց Հայ եկեղեցու կատարած դերի մասին հայ ժողովրդի կյանքի ամենաբախտորոշ ժամանակաշրջաններում: Անդրադառնալով վերջին շրջանի դեպքերին՝ նա ներկայների ուշադրությունը հրավիրեց հատկապես 1988 թ. դեկտեմբերի 7-ի երկրաշարժի հետևանքով հայրենի երկրում ստեղծված ծանր կացության վրա: Ապա վերստին շնորհակալություն հայտնեց շվեյցարացի ժողովրդին նրա մատուցած բարեսիրական ծառայությանը համար՝ սկսած հայկական ցեղասպանության օրերից մինչև տարերային աղետի այս շրջանը:

Նույն գիշերը Տ. Ներսես արքեպիսկոպոսը վերադարձավ Ժնև:

Հետևյալ օրը, սեպտեմբերի 8-ին, առավոտյան, ընկերակցությամբ Ժնևի հաղց հոգևոր հովիվ Տ. Վիգեն վարդապետ Ալբազյանի, սրբազանն այցելեց Ժնևի կանտոնի հեռուստատեսության կենտրոն, որտեղ տեղի ունեցավ հարցազրույց:

Այնուհետև եկեղեցիների Համաշխարհային Խորհրդի կենտրոնում, Շվեյցարիայի փոխօգնության կազմակերպության ներկայացուցիչ Կլոդին Մելլանի նախաձեռնությամբ, տեղի ունեցավ մամուլի ասուլիս, որին մասնակցում էին տեղական տարբեր թերթերի ներկայացուցիչներ: Այս առթիվ Տ. Ներսես արքեպիսկոպոսը խոսեց Հայաստանում տեղի ունեցած տարերային աղետի կապակցությամբ միջեկեղեցական օգնության կազմակերպման գործում ԵՀԽ-ի

կատարած կարևոր դերի մասին՝ հանգամանորեն անդրադառնալով «Կարիտաս» միջազգային բարեսիրական կազմակերպության, «Հեքս»-ի և Արևմտյան Եվրոպայի ուղղափառ, կաթոլիկ և ավետարանական եկեղեցիների կողմից ցուցաբերված նյութական օգնությանը: Ասուլիսի ընթացքում սրբազան հորը հարցեր տրվեցին Խորհրդային Միությունում իրականացվող քաղաքական, ընկերային և տրնտեսական վերափոխումների, դարաբաղյան հարցի, խղճի ազատության վերաբերյալ հրատարակված նոր օրենսդրության, ինչպես նաև նոր եկեղեցիների վերաբացման մասին: Հետևյալ օրը տեղական հայտնի թերթեր, ինչպես՝ «Լա Սուիս», «Ժոուռնալ դը Ժնև», առանձին հոդվածներով և հաղորդումներով արձագանքեցին սույն ասուլիսին:

Ավելի ուշ, ժամը 12-ին, Տ. Ներսես արքեպիսկոպոսը պաշտոնական այցելություն տվեց ԵՀԽ-ի գլխավոր քարտուղար դոկտ. Էմիլիո Կաստրոյին իր պաշտոնատեղում և մտերմիկ զրույց ունեցավ նրա հետ: Ի շարս այլ հարցերի դոկտ. Էմիլիո Կաստրոն անդրադարձավ նաև հայկական ցեղասպանության հարցին՝ նշելով, որ ԵՀԽ-ի քարտուղարությունը վերջերս Վաշինգտոնի և Շվեյցարիայի թուրքական դեսպանատներից ստացել է բողոքի նամակներ, որոնցում փորձ է արվում հակազդելու այս տարվա մայիս ամսին Տեխասի նահանգի Սան Անտոնիո քաղաքում ԵՀԽ-ի «Առաքելություն և Ավետարանչություն» հանձնաժողովի համաժողովում հայկական ցեղասպանության ճանաչման մասին ընդունված որոշմանը, որը հաստատվեց սույն թվականի հուլիս ամսին Մոսկվայում գումարված ԵՀԽ-ի կենտրոնական կոմիտեի նստաշրջանում: ԵՀԽ-ի քարտուղարությունը, ինչպես հավաստեց դոկտ. Էմիլիո Կաստրոն, արդեն պատասխանել է այդ զույգ բողոքագրերին՝ հորդորելով նրանց հեղինակներին, որ աշխատեն համոզել իրենց երկրի ղեկավարությանը՝ առաջիկա տարի, հայոց ցեղասպանության 75-ամյակի առթիվ, իբրև քաղաքակիրթ ժողովուրդ, ճանաչելու «Երիտասարդ թուրքերի» կառավարության կողմից ծրագրված և գործադրված 1915 թվականի անմարդկային ցեղասպանության ակտը և ցավ հայտնեն կատարվածի մասին:

Շվեյցարիայում գտնվելու օրերին Տ. Ներսես արքեպիսկոպոսն ունեցավ նաև այլ հանդիպումներ մի շարք գործնական հարցերի շուրջ: Օգոստոսի 31-ին նա հանդիպում ունեցավ Արևմտյան Գերմանիայի

Շտուտգարդ քաղաքում հաստատված Սուրբ Գրոց ընկերության Եվրոպայի մասնաճյուղի նախագահ դոկտ. Մոլերի հետ: Հանդիպման ընթացքում շոշափվեց Ս. Էջմիածինը մի նոր արդիական տպարանով օժտելու հարցը: Կարծիքներ փոխանակվեցին նաև Հայաստանում Աստվածաշնչական ընկերության մի մասնաճյուղ հաստատելու, ինչպես նաև մոտ ապագայում Աստվածաշնչի 20.000 տպագիր օրինակ Հայաստան ներմուծելու հնարավորության մասին:

Սեպտեմբերի 1-ին սրբազանը հանդիպում և գրույց ունեցավ ԱՄՆ-ի «Կարիտաս» բարեսիրական կազմակերպության պատասխանատու տնօրեն պրն. Քուինլենի հետ: Զրույցի ընթացքում խոսվեց այն համաձայնագրի մասին, որ ստորա-

գրվել էր Երևանում 1989 թ. հունիս ամսին պրն. Քուինլենի և Հայր Թոմասի Հայաստան այցելության առթիվ: Պր. Քուինլենը վստահեցրեց, որ, ըստ վերոհիշյալ պայմանագրի, մոտ ապագայում ամերիկյան «Կարիտաս» կազմակերպությունը Երևանում կհաստատի նորածին երեխաների համար սննդի արդյունաբերության մի ֆաբրիկա:

Օգտվելով Ժնևում գտնվելու առիթից՝ Ս. Ներսես արքեպիսկոպոսը օգոստոսի 20-ին, 27-ին և սեպտեմբերի 3-ին ներկա եղավ Ժնևի հայոց Ս. Հակոբ եկեղեցում մատուցված կիրակնօրյա պատարագներին և Բանին կենաց քարոզությամբ մխիթարեց տեղի հայ համայնքի հավատացյալներին:

ԹՂԹԱԿԻՑ

